

حاصلاتی کاملاً غالیچیا و دو بریجه قهرمانلرینه توتون هدیه سنه تخصیص ایدلمشدر

۱۰ ربیع الاول ۱۳۳۵

پنجشنبه

۲۲ کانون اول سنه ۱۳۳۲

سر محرری : مصطفی فوزی

تاریخ تاسیس ۱۳۲۷ سنه هجری

سنه ۴۰ اعتبارله مالک شاهانه ایچون بشین

اولهرق ۴۰ الی ایلمی ۲۰ غروش و مالک

اجنبیه ایچون ۱۰ فرانقدر

تلفون نومروسو : ۱۰۹۷

حجرتیلا صوفیه

شمذیلک اون بش کونده برنشر اولئور

صاحب امتیاز و مدیر مسئول حسن کاظم

ملت اسلامیه - امت مائنه ایچون مننه اولان آثاره
محکم لرجه ایچون درج ایلمان اولان اطوار ایلمان

استانبولده باب عالی جوارنده ابوالسعود جاده سنده
نجم استقبال مطبوعه سنده اداره خانه منر اصحاب
مراجمانه هر ساعت آچقندر

نسخه سی ۵ غروش

تصوفی ، دینی ، اخلاقی ادبی ، سیاسی جریده اسلامیه در

نومرو ۱۲۴



باش قوماندان وکلی وحریه ناظر جلیلی

انور پاشا حضرتلری

سایه بخش انورکله بدره مقروضدر هلال

جمله من مدیون شکران سزه باشند باشه

محترمدر جسمکز ، هم اسمکز ؛ هم رسمکز

ای مجسم اقتدار ای حضرت (انور پاشا)

علویات اسلام

عالم اسلامیتده ریاضات و تربیه بدنیه

(اسلام اسپورلری)

(۱)

« اسپور - Sport » انگلیزجه دن مأخوذ بر کله در ، « اسپور » یالکیز وجود بشرک تکملاتی نقطه نظرندن دکل بلکه تربیه فکریه و روحیه ایچون دخی یاییلان تعلیمات طبعیه و مادیه نك اصولاً تطبیق و اجرانسه دینور . آویلیق ، یاریشله ، جناسیتی و ولوسپدجیلک و بونوره نمائل تقویه بدنه خادم افعال و حرکات ، اویون و اکلنجهلر برراسپوردر . « تربیه بدنیه حرکاتی » ، « ریاضیات بدنیه حرکات و اویونلری » ، « ادمان افعال و حرکاتی » ، « ادمانحیلک » ، « ریاضیات و تربیه بدنیه » کبی صور عیددهده ترجمه سی قابل بولان « اسپورلر » هر ملت تزدنده ، هر اردوده ، اردولر خارجنده یالکیز موافق ادب بر اکلنجه تشکیل ایتمیوب بلکه فوق المصاده نافع و مستحسن و اکلنجهلی بدن ادمانی ، تربیه بدنیه خدمات و وظائفی ایفا ایدرک افراد و شبان ملتی ، عسکرلری ، قوتلندیرر ، مثالندیرر ؛ هر کسی قوه بدنییه محتاج هر درلر افعاله ، حرب و ضربه مقتدر قیلار ، بالخاصه عسکرلری جنکاورلشدیرر ، شجیع و مطاوعتکار قیلار . بوکامنی درکه دور حاضرده کرک اوروپا و امریقاده و کرک مسالک متمدنه سائرده ، زاپونیاده و حالاً چین و هندستانده « اسپورلر » اقوام مترقیه نك و سوق طبعی ایلر اقوام غیر مترقیه و مدنیه دن بر طاقنک بیله اک بیوک اشتغالات تحت پرورانه سی ،

ذکر و فکر ایتمدکجه تجلیات جماله اعداد استعداد ایدمزر . حقیقت ذکر و فکر ایسه غفلتدن توقیدر .

خواب غفلتدن بیدار ، ناظر دیدار اولانلر .

« همه اوست و همیشه اوباشد کرچه بسیار گفتکو باشد »

زمرمه سیله اعلان حقیقت ایندیله .

ترانه حقیقته قارشنی سدکوش ، ادراک حقیقتدن منع هوش ایدنلر

اسباب سلامتی زرده جسته جو ایدرلر ؟

آب ظن ایدیلن سر ایدر . آفتاب عد ایدیلن ذره بی فرو تابدر .

نور ظلمت ، حقیقت افسانه در .

حسب حقیقتدن دم اورانلر ، حسب نفس ایلر مألوفدرلر . نفس یار

عد ایدنلر ، علم الیقین بیلمیلدرلر که اغیاری یار عد ایتمشدرلر .

حقیقت مسلمده درکه حسب حقیقی ، فدای نفسی ایلر اثبات اولور .

حسب نفس ایلر حسب یار ، تمتع الجمعدر .

حسب حقیقی اودرکه « ترک کام خود کر قتم تابر آید کام دوست »

حقیقتی فعلاً اثبات ایدم بیلر .

ذکر و فکری یار اولمیلانلر ، ایدی اغیاره کرفشار اولورلر که

نتیجه حال ، خسراندر .

ذکر و فکری یار اولانلر ایسه پنجه عقاب عقابدن تخلیص

کریبان ایدرلر که او قافله ناحیه ایچون « والعاقبه للمتین » بر برات

سعادت نشاندر .

لنا،قه الحقیق

وصل یاره کسب استعداد ایدن عاشقک

ذکری جانان ، فکری جانان ، جانی ده جانان اولور

آه آتشبار ایلر ایتمدکجه محو جسم و جان

تا بمحشر جسمنک هر ذره سی بیک جان اولور

کوزلرم ، ژنک غفلتدن پاک اولسه بن ، بو حقیقتلری - رأی

العین - کوردمه قیل و قال بیهده دن اجتناب و سمت سلامه شتاب ایدرم .

« شمس الهدی » شاهراه صلاحی بکا کوستردی . شاهراهک هر

ذره ناجیزی - نجم سحری کبی - تنور عیون ایدیور .

بن ، مست غفلت قالیر ، نور حقیقتدن اغماض ایدرده اغلال

ضالاله تسلیم کردن ایلرسم

« ای وای کجا بحال تدبیر

یک کردن و صدهزار زنجیر »

مألیله نوحه ساز اولمقدمه معذور عد ایدیلریمیم ؟

روز روشن ، شب دیچوره انقلاب ایتمدن - غفلتدن دور ،

ایباردن مهجور اولورق - طی منازل ایلسم ، کوی سلامته وصول ،

البته تمکی الحصولدر .

ابن الامین

هدایت ، حقکدر . .

محمود کمال

امتداد حیات بشره بر تأثیر حیرت بخشا القا ایلین (۱) اک نافع بر ریاضت بدنیه مقدسه در ؛ حکیم وطیب شهر مهتدی و محمد غره نیه ، مرحومک قول مشهوری موجبجه عالم مدنیت و بشریتده کی انواع اسپورلرک ، ریاضات جسمانیه و روحانیه نک اک معتدلی ، اک نافی ، اک مکملیدر . معتدل حرکات و افعال ایله تربیه بدنیه طرفدار ی اسوج اسپورمنلری ، استاد و معلملری ، اک زیاده طرفدار بولمی ولهدا دور حاضرده فوق العاده کسب رغبتله سالکلری کتدکجه آر تیران « اسوج اصولی تربیه بدنیه » منتسبلری انظارنده برق افشان اولمی اقتضا ایلان بر خارقه اسلامیه در .

« صلات » حیات ، صلات قوتدر ، اخیراً امریقاده بات ترقی ایلش مقناطیس حیوانی (مانیاتیزمه) علمی تعیرنجه اک مؤثر ، اک لطیف ، اک روحنواز و ثمره دار « اوتو سوغز سیتون » یعنی بذاته تلقین در .

« صلات » هادی و مصطفای دل و دروندر ؛ ام بولنسک ، حق و حقیقتک رهبریدر . « صلات » ذکر در (۱) ، الحاصل « صلات » هر شیدر .

آز بر تدقیق و تتبع ایله آکلاشیله بیلورکه « صلات » منافع و فیوضات بی انتهای یوزندن عالم مدنیت و انسانیتک بتون مفکره لری یکی حکما و فیلسوفلری ، بتون تربیه بدنیه استاد و معلم و تلمیذ و سالکلری ، اطبا و سائر صحت و عافیت بشریه اربابی ، بالخاصه دینسزلر و امور دینیجه مبالانسز بولنانلر ایله حق و حقیقت اصحابی و الحاصل هر کسی بر جوق دوشوندیره بیهلجک ، کندوسنه مفتون ایله جک خواصی فوق العاده مغنویه و صبیحه و اجتهادیه بی جامعدر . (۲)

مسکری موزه سی مدیری

فریق

احمد مختار

اککنجه لری تشکیل ایتکده وادوار اخیرده کی مطبوعات ملله پک بیوک سرمایه بحث و مقال بولنان « اسپورلر » دن غریبدرکه حرب عمومینک الک مهم و تهلکلی صحنه لرندن بیهل حال و زمان مساعد بولندکجه استفاده ایدیله کلدیکی کمال حیرتله کورلکده در .

« اسپور » اسمی یکی ایسه ده ماضع لهی بولنان ریاضیات و تربیه بدنیه مسئله مهمه سی پک اسکندر : آت و دوه و آراهه یاریشلرینک ، قوت طاشی اوق لوبوط جریده . . . آتق مسابقه لرینک ، مصارع لر و انواع طوپ و اسیر آلهجه اویونلرینک . . . تاریخک و یردیکی معلوماته کوره پک اسکی بولنسنه کوره اسپورلرک مختلف طرز و شکل ابتدائی ده بولنقی اوزره نوع بشر ایله برابر ظهور ایتدیکنه ، تکملات بشریه ایلر ولدیکه ترقی ایدوب یوکونکی حاله کلدیکنه حکم ایدیله بیلور . اقوام و ملل مختلفه نزدنده « اسپورلر » ک یکدیگرندن آز جوق آیریلان انواع مختلفه سنه تصادف ایدلکده در .

« جریده صوفیه » ایله بوندن اقدام نشر ایتدیکمز « صلات » سر لوحالی بر مقاله مخصوصه ده (۱) دخی بیان ایتدیکمز وجهه بین الاسلام ریاضات و تربیه بدنیه حرکاتک ، قوه مغنویه و جسمانیه بی آرترمق افعال لازمه و مهمه سنک ، دارینده هر صورتله نجات و سلامت و سعادت استحصالی و سائنطک اک مقدسی ، اک نافی « صلات » یعنی نمازدر .

« صلات » جناب منعم متعالمک نوع بی انسانه بر احسان جلیل سبحانیسی بولنان دین جلیل احمدینک ارکان اصلیه سندن احیای بشره ، حیات ابدی سترینه مظهریته خادم بر نعمت عظیمه سی ، پک بیوک بر « مجزه سیدر » « صلات » دینک دیرکی ، مؤمنک معراجی ، عالم ابدیت و علویاتده سیر انوار حق رهبر و منهاجیدر .

« صلات » فرائض آلله دن متعدد آیات جلیله و احادیث نبویه ایله ایفاسی امر و فرمان ، مادی و مغنوی منافع عظیمه سی اشارت و شرح و اتیان بیورلش و معراج کزین جناب حبیب کبریا ده اهل ایمانه بر عطیه مخصوصه سبحانیه صورتنده بخش و احسان قلنمش بر نعمت عظمای جناب رب متعالدر ؛ حصوله کتبردیکی بی انتهای فیوضات مغنویه دن بشقه حرکات معتدله و منتظمه ریاضت کارانه سیله روح و اعصاب و عضلاتی قوتلندیرن ، بر ناظم میخانیکی مادی و مغنوی صورتنده اساس حیات بولنان دوران دمی تنظیم و حیاتی تأمین ایلان ، اداسنه دوام و مواظبت حالنده وجود بشری چایکه تحویل ایدرجه سنه قوتلندیرن ؛ خرابه یوز طوتمش بیرامش قوتدن دوشمش بنیه لری معجزه کارانه تازه قوت و حیات و یرن ، افغانیلر و بخاریلردن سنلری طقسان و یوزی یکمش بر جوق مصیلرده کورلدیکی اوزره - بر حدیث شریفده « صدقه » حقه ده بیورلدیکی کبی - همری تربیدایدن ،

[۱] جریده صوفیه نک (۶۴) نومرو لی نسخه سنه مراجعت بیورله .

[۱] عمر انسان بر امر مقدردر ؛ « وکان امرالله قدراً مقدوراً » نس شرینی موجبجه قدرت مقدور امرالهدن باشقه پرشی دکدر . ناظم و کتاب مقدرات حق و جل و علا حضرتلریدر . مصیلرده کوربان فرونی حیات تجلی قدرت ربوبیت ایله پک کوزل تفسیر ایدیله بیلور .

بعض علما و مفسرین کرام حضراتی « ذکر » ی « صلات » ایله تفسیر ایتلکده در ؛ چونکه اساس صلات ذکر در ؛ مع هذا « واذکر الله ذکرأ کثیراً . . . » نس شرینی موجبجه ذکر کثیر الیه ده دخی قلوبی شوق انوار بی انتها ایدمک فیوضات عال العال وارور . (ایلورده ذکر و مقابله شریفه دن بر تفصیل بحث ایدیله جکدر .

(۲) صلوه مفروضه نک علویت و قدسیت و منافع فوق العاده سی حقه ده زیاده تفصیلات و معلومات متمم آتق ارزو بیوران ذوات (۶۴) نومرو لی جریده صوفیه ده ک سالف العرض صلات مقاله سنه مراجعت بیورله بیلورلر .